

www.BibleForChildren.org

Mateu 8




Pakupita kwa ntsiku ziwiri, ku Kanaa ya ku Galireya kudacitika msinda wa malowozi, mai wa Jesu akhalipombo kumweko. Jesu na anyakupfundzira wace adacemeredwambo pa msindawo.



Ndipo vinyu idamala. Pamwepo mai wace wa Jesu, adamuza kuti: “Vinyu yamala”. Pamwepo, mai wace adauza akapolo kuti: “Citani bzentse bzmwe iye anirewa”.



Jezu adawauza kuti: “Dzazani madzi mitsukoyi”. Iwo adadzaza kufikisa mmiromo. Ndipo adati: “Tungani pang'ono mukapase mtsogoleri wa msinda”. Iwo adatenga.



Pomwe mtsogoleri wa msinda adalawidza madziyo, adabva kuti yakhadasanduka vinyu. (Akhadziwa lini kuti bzidacitika tani.


Akapolo ndiwo akhadziwa bzomwe bzidacitika.)



Pamwepo, adacemeresa nyakulowolayo, acimuuza kuti: “Wentse pakutoma wambacosa vinyu yabwino, ndipo anyakucemerredwa akamala kumwa bwino-bwino, wambadzacosa vinyu yakutowa. Tsono iwepo wakoya yabwino mpaka tsapono”.



Na tenepa, Jezu adacita cilatizo cace
cakutoma kuKanaa ya ku Galireya.
Adalatiza mbiri yace,
anyakupfundzira wace
acimukhulupirira.



Patsogolo pace Jezu atafika pa
nyumba pa Pedru, adawona
mibzala wace adagona na maferu.



Pamwepo Jezu adam'khuya mibzalayo pa dzanja, maferu yadamala, ndipo mibzala ule adalamuka aciyamba kumutanairira.



Maulo, latamira dzuwa, adawabweresa wentse wanthu kwa Jezu wakuduwala na wakuphatidwa na mizimu yakuipa. Wentse wa mumzindamu adagwezekana pamsuwo.



Jezu adalimbisa azinji omwe akhabonera na matenda yakusiyana-siyana, acicosa mizimu yakuipa, aciiletsa kulewa-lewa thangwe idamuzindikira.



Ndipo wanthu wentse akhafuna kumukhuya, thangwe kuna Iye kukhacoka mphambvu ikhapolesa wentse.



Wanthu anai adanyamula bundukutu aciyenda naye.



Alibe kufika pafupi na Jezu thangwe
ra mthithi wa wanthu. Adakwira
pantsodzi ya nyumba, acinyasula
ntsodziyo kulinganiza pakhana
Jezu. Ndipo adamubulusa
bundukutu ule
pamacira.



Pakuwona cikhulupiriro cawo, Jezu adawuza bundukutuyo kuti: “Mwana wangu, bzakuipa bzako bzalekereredwa”. “Iwe, muka, tenga macira yako, uyende kumui”.




Pamwepo Jezu adapakira m'bote, ndipo wakupfundzira wace adayenda naye pabodzi. Mwacisututu, condzi camphambvu cidayamba m'nyandza, mwakuti mabimbi yakhapita m'bote. Tsono Jezu akhadagona.



Ndipo Iye adawabvundza aciti: “Thangwe ranyi imwepo muna mantha kwene-kwene, amuna wacikhulupiriro cakucepa?” Pamwepo Iye adamuka acitsimula condzi na mabimbi ndipo kudakhala bwino letu.

Pamwepo wanthu wale adadabwisidwa, acimbabvundzana aciti: “Mbani umweyu ngakhale condzi na mabimbi bzimbam'bvera?”



Ni terepoyo Mulungu adafuna dziko,
adapereka mwana wace m'bodzi
yekha kuti wentse ule omwe
animukhulupirira aleke kufa, tsono
akhale na moyo wakusaya
kumala.

40

60



aRoma 3:23

pakuti wentse adaphonyera Mulungu ndipo adafundusidwa
mu ulemenero bwa Mulungu,

aRoma 6:23

Thangwe malipiro ya kuphonyera Mulungu ni impfa, tsono
mphatso ya fovolo ya Mulungu ni moyo wakusaya kumala
mwa Krixtu Jezu, Mbuya wathu.

aHeberi 9:27

Bzibodzi-bodzimbo ninga munthu wentse ambafa
kabodzi kokha ndipo patsogolo pace atongedwe,



aEfezo 2:8,9

Sabwa mwa nkhombo ndimwe wakupulumuka, kudzera mu cikhulupiriro, ndipo kumweku kun'cokera lini kwa imwe, ni mphatso ya Mulungu. Kun'cokera lini kwa mabasa nee, kuti paleke kuwoneka wakubzikuza.

aRoma 10:9,10

Penu iwepo un'tawira na mulomo wako kuti Jezu ni Mbuya, ucikhulupirira mum'tima mwako kuti Mulungu adamulamusa kwa wakufa, un'dzapulumusidwa.

Pakuti munthu ambakhulupirira na m'tima kuti alungamisidwe ndipo na mulomo ambatawira kuti apulumusidwe.



Juwau 3:16,17

Ni terepoyo Mulungu adafuna dziko, adapereka mwana wace m'bodzi yekha kuti wentse ule omwe animukhulupirira aleke kufa, tsono akhale na moyo wakusaya kumala. Sabwa Mulungu adatuma mwana wace padziko sikuti adzalipase nyathwa, tsono kuti adzalipulumuse.

1 Juwau 5:11-13

Ndipo umbonibo ni bwakuti: Mulungu adatipasa moyo wakusaya kumala, ndipo moyoyo uli mwa Mwana wace. Ule omwe ana Mwana, anawo moyo. Ule omwe alibe Mwana wa Mulungu, alibe moyo. Ndakunemberani bzinthu bzimwebzi, imwe omwe mumbakhulupirira mudzina la Mwana wa Mulungu, kuti imwepo mudziwe kuti muna moyo wakusaya kumala.



Mateu 8-9; Maliko 1-2, 4; Luka 4, 8; Juwau 2

Storyline by: Edward D. Hughes

Illustrated by: Byron Unger, Lazarus,
and Alastair Paterson

Adapted by: E. Frischbutter, Sarah S.

Nyungwe Bible (nyu) © 2019 Wycliffe Bible Translators, Inc.

<https://www.bible.com/en-GB/bible/2347/GEN.1.NYNT>

©2026 Bible for Children, Inc.

www.M1914.org

www.bibleforchildren.org

